

A N I M A D V E R S I O N E S.

describi videntur, ad novemdecim conciliatio: si ubicumque distinctio, &, nulla datur; vicina duo nomina in unum redigantur: puta Assedim-ser, Arama-Afor, Edrai-Enhafor, & Magdalen-Horem.

In Tribu Zabulon difficillima est Nominum aut locorum, quos ibi Josue meminit 18. ad Urbes duodecim reductio: nisi Remmon-Amthar in unam, & Catheth Naalol in alteram Urbem reducantur: nisi Sared & Merala, & Debbaseth ex Urbium numero rejiciantur: nisi Urbs Dabbereth ex Tribu Zabulon amoveatur: hæc quia Levitis assignata, & in limite Zabulon & Isachar posita, nunc illi, nunc alteri Tribui conceditur; forsitanque nulli propria.

Satis sit, de Urbium nominibus quæ in Tribuum aliquarum descriptione ex duobus in unum reduci possunt. In aliis Tribubus in quibus Josue Urbium nullum dat certum numerum, nihil est, quod hîc dicere possumus: & si qua sunt notatu digna, ea suis locis in Indice demonstrabimus.

In Urbium 48. nominibus, quæ Sacerdotibus & Levitis assignatæ sunt non pauca expendenda; in variis nominibus conciliandis, & in numeris restituendis.

Sacerdotes & Levitæ in quatuor familias dividebantur: quæ erant filiorum Aaronis Sacerdotis; tum & Levitarum Caath, Gerson, & Merari.

Josue 21. concedit Aaronitis Urbes novem ex Tribubus Juda, & Simeon desumptas; & quatuor ex Tribu Benjamin. Eæ sunt 13. Dat Caathitarum familiæ Urbes 4 ex Tribu Ephraim, 4 ex Tribu Dan, & 2 ex dimidia Manasse, quæ cis Jordanem. Eæ sunt 10. Dat Gersonitis Urbes duas ex dimidia Manasse; quæ trans Jordanem, 4 ex Tribu Isachar, 4 ex Tribu Aser, 3 ex Tribu Nephthali. Eæ sunt 13. Dat Meraritis Urbes 4 ex tribu Zabulon, & 4 ex Tribu Ruben, & 4 ex Tribu Gad. Eæ sunt 12.

Urbes ipsæ 13 Aaronitarum, 10 Caathitarum, 13 Gersonitarum, & 12 Meraritarum ad numerum 48 conveniunt; ut habet Josue 21. & Numer. 36. v. 6. & 7. Earumque omnium Urbium nomina Josue exactè enumerat toto cap. 21. Sed 1. Paralip. cap. 6. v. 1. in quo earumdem Urbium catalogum referre mens fuit, aliquæ desiderantur. Et id non solum in Bibliis Græcis, & Latinis omnibus, quæ viderimus; sed & fortè in Hebraicis &c.

Omnia Leviticarum Urbium nomina dabimus ex Latina, eaque Vulgata Editione, ne aliarum variæ lectiones nos remorentur, prima columna erit ex Josue c. 21. secunda ex libro Paralipomenon 1. c. 6.

Josue 21. v. 13. & seq. filiis
Aaron Sacerdotis dat

Hebron,	}	V. 16. Civitates novem de Tribu- bus duabus: antea dixerat de Juda, & de Simeone.
Lobna,		
Jether,		
Esthemo,		
Holon,		
Dabir,		
Ain,	}	V. 17. & 18. de Tribu filior. Ben- jamin civitates 4.
Jeta,		
Beth-fames,		
Gabaon,		
Gabae,		
Anathot,		
Almon,	}	V. 19. Omnes simul civitates filiorum Aaron Sacerdotis. 13. Ex Josue, pro filiis Caath Levitici generis, hæc est data possessio, V. 20. & seq.

Sichem,

1. Paralip. 6. v. 57. & seq. filiis
Aaron dederunt civitates

Hebron,	}	V. 60. Omnes civitates tredecim & V. 65. Ex Tri- bu Juda, ex Tri- bu Simeon, & ex Tribu Benja- min.
Lobna,		
Jether,		
Esthemo,		
Helon,		
Dabir,		
Afan,	}	Duarum Urbium nomina hîc desiderantur...
....		
Beth-femes,		
....		
Gabee,		
Almath,		
Anathot,	}	1. Paralip. v. 61. Filiis Caath.

Sichem,

Gazer,